

People
plus

AR
NOU PARTI, NOU LALIT
PLI DETERMINEN KI ZANMEN

PARTI LEPEP I RESTE OPOUVWAR MAZORITE LDS DAN LASANBLE NAPA POUVWAR TIR PREZIDAN

Parti Lepep i remersye tou son manm, siporter e Seselwa an zeneral ki'n partisip dan eleksyon Lasanble Nasyonal ki ti fer le 8, 9 e 10 Septanm 2016. Malgre ki voter in elekte en mazorite LDS dan Lasanble, Parti Lepep i reste opouwar savedir i kontinyen diriz Sesel. Sa mazorite dan Lasanble napa pouvwar pour tir Prezidan Michel ki ti ganny elekte an Desanm par lepep Seselwa. Selman de tyer ki ti a permet zot kapab fer sa. Savedir, nou dan Parti Lepep nou reste pli determinen dan nou lalit pour kontinyen amelyor lavi

tou Seselwa, e kontinyen devlop nou pei.

DIFERANS EK SA ENN ELEKSYON

Sa eleksyon in enn ki pe permet Parti Lepep koman en parti politik reget son priyorite dan distrik. I en eleksyon ki'n osi ed Parti Lepep pour konn vre lwayote e senserite son manm, aktivis e siporter. Pour

(kont...p2)

PARTI LEPEP I RESTE OPOUVWAR

(kont...p1)

bann ki'n travay dir anver sa eleksyon, bann ki'n vote pour elekte en kandida Parti Lepep, nou dir avek zot bokou mersi, e Parti i renouvle son komitman anver zot.

Parti Lepep i demann tou dimoun ki anploye dan gouvrenman pour kontinyen azir profesyonnel e travay pour delivre pour lepep Seselwa.

Fodre note ki dan sa eleksyon Lasanble, an total LDS in ganny zis 226 vot anplis ki Parti Lepep. LDS i konpri 5 parti politik ki'n zwenn ansanm.

DAN LASANBLE

Mazorite ki'n gannyen dan sa eleksyon, LDS ki pou diriz Lasanble. Zot pou nomin zot spiker, Lider Lopoziyon, e dapre sa ki zot ti dir voter dan zot kanpanny, zot annan lentansyon fer Lasanble zwenn 3 fwa par semenn.

Tandis ki Parti Lepep, i pou kontinyen annan en Lider Zafer Gouvrenman ki pou reprezant sa group minoriter dan Lasanble ki pou Parti Lepep.

Gouvrenman pou kontinyen anmenn lalwa, e bann minis pou reponn kestyon pour enform Lasanble lo deroulman zot minister. Zot pou osi vot lo bann mosyon.

15 DISTRIK POU NEPLI ANBA RESPONSABILITE EN MNA LEPEP

Parti Lepep i respekte swa lepep e i espere ki sa 15 distrik ki'n elekte en reprezantan LDS ava napa okenn regre. Aparti la zabitan pou bezwen kont lo zot MNA dan zot moman maler, moman difikilte, e pour okenn konsern vizavi zot distrik.

Pandan 23 an depi sistenm miltiparti, Parti Lepep in ganny elekte pour travay pour devlop bann distrik, amelyor lavi zabitan, e in la akote zot dan moman maler koman moman lazwa. Zabitan dan sa bann distrik in vot pour en sanzman dan reprezantan, alor sa bann MNA LDS ki pou travay pour 5an.

NOU SWET ZOT BONNSANS

Avek senserite Parti Lepep i swet bonnsans sa Anouvo Lasanble. Pandan plizyer lannen, atraver son reprezantan, Parti Lepep in dedye bokou lenerzi, e investir bokou resours dan kominote e dan lavi bokou zabitan. Malgre son travay i kontinyen koman en gouvrenman ki opouvwar, i espere ki zot bann nouvo reprezantan i

dedye letan e resours pour ed zabitan dan distrik.

Parti Lepep i annan responsabilite 10 distrik ki son bann MNA pou bezwen travay dir pour kontinyen devlope, e amelyor lavi zabitan. Parti Lepep ti lans son azanda ki pou ed son group MNA double zot zefor pour ed zabitan, distrik e menm gid zot travay dan Lasanble.